

# Trà passioni è offesa

In cori mei'una fiamma  
Brusgia tal'un focu ardenti  
Una musa chì mi chjama  
È riscalda la mè menti  
D'una tarra lu destinu  
M'inditeghja lu caminu

Omi di stinti è d'onori  
Ch'anu datu la so vita  
Pà sta tarra di valori  
Di ferita sempri afflita  
Sempri pront'à la difesa  
Trà passioni è offesa

**Mà cuscenza si sveglierà  
U cornu tornu hà da sunnà  
Cumè Cirnesi tempi fà  
Corsu l'avvena sarà**

U ventu falla da l'altura  
Cù un muscu di muredda  
Impastatu di cultura  
Di a nostra Cursichedda  
È tramanda li vistichi  
A mimoria di l'antichi

S'hè accesa una prighera  
Chì cuntrat'a nostra storia  
Di front'à la tarra intera  
Di un populu la gloria  
Cù la bandera a palesa  
Trà passioni è offesa

**Mà cuscenza si sveglierà  
U cornu tornu hà da sunnà  
Cumè Cirnesi tempi fà**

**Corsu l'avvena sarà**

*Martinu Squarcini*